

Na temelju odredbi člana 17. Odluke o osnivanju JU Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo", broj: 37/2021), člana 30. Pravila JU Institut za razvoj preduniverzitetskog obrazovanja Kantona Sarajevo, broj: 30/22 od 16. 3. 2022. godine, te u skladu s članom 9. Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije Bosne i Hercegovine", broj: 104/22) a postupajući u skladu sa aktom Ministarstva za odgoj i obrazovanje Kantona Sarajevo broj: 11-07/01-11-11134-455/23 od 27.09.2023. godine, Upravni odbor je na 22. sjednici održanoj dana 09.10.2023. godine, jednoglasno donio

**PRAVILNIK O STICANJU I RASPODJELI VLASTITIH PRIHODA  
JU INSTITUT ZA RAZVOJ PREDUNIVERZITETSKOG OBRAZOVANJA KANTONA  
SARAJEVO**

**I – OPĆE ODREDBE**

**Član 1.  
(Predmet Pravilnika)**

Pravilnikom o sticanju i raspodjeli vlastitih prihoda JU Institut za razvoj preduniverzitetskog obrazovanja Kantona Sarajevo (u daljem tekstu: Pravilnik) uređuje se način sticanja i raspodjela vlastitih prihoda JU Institut za razvoj preduniverzitetskog obrazovanja Kantona Sarajevo (u daljnjem tekstu: Institut).

**Član 2.  
(Vlastiti prihodi)**

Vlastiti prihodi Instituta su javni prihodi Budžeta Kantona Sarajevo (u daljem tekstu: Budžet), a raspoređuju se u skladu sa Pravilnikom o vrstama vlastitih javnih prihoda u Federaciji Bosne i Hercegovine ("Službene novine Federacije Bosne i Hercegovine", broj 104/22), Smjernicama u vezi donošenja akta o vlastitim javnim prihodima Ministarstva za odgoj i obrazovanje Kantona Sarajevo, broj: 11/07-02-11-11134-280/23 od 21.08.2023. godine.

## **II – PRAVNI OSNOV**

### **Član 3.**

#### **(Pravni osnov za ostvarivanje vlastitih javnih prihoda)**

Pravni osnov za ostvarivanje vlastitih javnih prihoda Instituta je:

- a) Odluka o osnivanju JU Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo", broj: 37/2021) i
- b) Pravila JU Institut za razvoj preduniverzitetskog obrazovanja Kantona Sarajevo broj: 30/22 od 16. 3. 2022. godine.

### **Član 4.**

#### **(Sticanje prihoda i naknade za realizaciju usluga)**

- (1) Institut može obavljati komercijalnu djelatnost i sticati vlastite prihode pod uslovom da ne ugrozi osnovnu registriranu djelatnost i to iz:
  - a) ustupanje tenderske dokumentacije u postupku javnih nabavki i
  - b) izdavačke djelatnosti.
- (2) Visina nakanada za realizaciju usluga iz člana 4. stav (1) tač. a) i b) utvrđuje se odlukom Upravnog odbora za svaki slučaj pojedinačno.
- (3) Na odluku iz prethodnog stava saglasnost daje Ministarstvo za odgoj i obrazovanje Kantona Sarajevo.

### **Član 5.**

#### **(Način uplate i evidentiranje vlastitih javnih prihoda)**

- (1) Vlastiti javni prihodi uplaćuju se na depozitne račune javnih prihoda u skladu sa propisom kojim se uređuje način uplate javnih prihoda budžeta i vanbudžetskih fondova na teritoriji Federacije BiH.
- (2) Institut je u obavezi da redovno prati, putem izvještaja koji dobije od Ministarstva finansija Kantona Sarajevo, dospelost i naplatu vlastitih javnih prihoda.
- (3) Institut je u obavezi najmanje jedanput u šest mjeseci Ministarstvu za odgoj i obrazovanje Kantona Sarajevo dostaviti Izvještaj o sticanju i utrošku vlastitih prihoda.
- (4) Vlastiti prihodi moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta.
- (5) Naplaćena sredstva na ime vlastitih javnih prihoda koja su ostvarena gotovinskim plaćanjem i za koje ne postoji mogućnost bezgotovinskog plaćanja evidentiraju se i uplaćuju na depozitni račun sa šifrom budžetske organizacije Instituta najkasnije sljedeći radni dan po prijemu uplate.
- (6) Zabranjeno je evidentiranje i plaćanje vlastitih javnih prihoda na bilo koji način koji je u suprotnosti sa odredbama ovog Pravilnika.

### III - PLANIRANJE I RASPODJELA VLASTITIH PRIHODA

#### **Član 6. (Planiranje i raspodjela vlastitih prihoda)**

- (1) Vlastiti prihodi moraju biti planirani u Budžetu odnosno Finansijskom planu Instituta.
- (2) Institut je dužan na osnovu planiranih vlastitih prihoda planirati i rashode koji će se pokriti iz tih prihoda.
- (3) Ostvarene vlastite prihode u cijelosti raspoređuje Institut i koristiće se za pokriće izdataka nastalih obavljanjem poslova iz kojih proizilaze prihodi, a ostatak na kapitalne izdatke.

#### **Član 7. (Način raspodjele vlastitih prihoda)**

- (1) Prihodi od izdavačke djelatnosti se raspoređuju za sljedeće namjene:
  - a) Isplate troškova štampanja izdanja;
  - b) Isplate troškova autorskih honorara, ugovora o djelu i sl.;
  - c) ostali troškovi nastali u procesu izdavaštva;
  - d) 60% ostatka prihoda nakon isplata iz člana 7. stav (1) tač. a), b) i c) ovog Pravilnika radnicima koji su sudjelovali u realizaciji poslova vezanih za izdavačku djelatnost izvan radnog vremena, a na osnovu dostavljenog izvještaja o radu;
  - e) 20% za materijal, sitan inventar i sl.;
  - f) 10% za nabavku stalnih sredstava;
  - g) 10% za stručno usavršavanje.
- (2) Prihodi od naknada za realizaciju usluga iz člana 4. tačka a) ovog Pravilnika (ustupanje tenderske dokumentacije) u postupku javnih nabavki raspoređuju se:
  - a) 20% za materijalne troškove, tekuće održavanje i nabavku opreme
  - b) 80% za kulturne aktivnosti, takmičenja, nagrade i stručna usavršavanja.
- (3) Procenti ili iznosi od prihoda/naknada za realizaciju usluga iz člana 4. odnose se na ukupna sredstva ostvarena po svakom osnovu, a u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznos).

### IV- ZAVRŠNE ODREDBE


#### **Član 8. (Donošenje Pravilnika)**

Institut je u obavezi ovaj Pravilnik dostaviti Ministarstvu za odgoj i obrazovanje Kantona Sarajevo koje će dalje postupati u skladu sa Smjernicom broj: 11/07-02-11-11134-280/23 od 21.08.2023. godine.

## Član 9.

### (Stupanje na snagu)

Ovaj Pravilnik stupa na snagu i primjenjivaće se od dana dobijanja saglasnosti Vlade Kantona Sarajevo i objaviće se na oglasnoj ploči i web stranici Instituta.



**PREDSJEDNIK  
UPRAVNOG ODBORA**

**Refik Šćibović**

Broj: 01-1-02-7081/23  
Sarajevo, 09. 10. 2023. godine

Na Pravilnik iz člana 1. data je saglasnost Vlade Kantona Sarajevo broj: 02-04-52343-67/23 od 15.12.2023 godine.

## Upravni odbor

Broj: 01-1-04-7080-1/23  
Sarajevo, 09. 10. 2023. godine

Na temelju odredbi člana 17. Odluke o osnivanju JU Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo", broj: 37/2021), člana 30. Pravila JU Institut za razvoj preduniverzitetskog obrazovanja Kantona Sarajevo, broj: 30/22 od 16. 3. 2022. godine, te u skladu s članom 9. Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije Bosne i Hercegovine", broj: 104/22) a postupajući u skladu sa aktom Ministarstva za odgoj i obrazovanje Kantona Sarajevo broj: 11-07/01-11-11134-455/23 od 27.09.2023. godine, Upravni odbor je na 22. sjednici održanoj dana 09.10.2023. godine, jednoglasno donio

### ODLUKU

#### **o usvajanju Pravilnika o sticanju i raspodjeli vlastitih prihoda JU Institut za razvoj preduniverzitetskog obrazovanja Kantona Sarajevo**

##### **Član 1.**


Donosi se Odluka o usvajanju Pravilnika o sticanju i raspodjeli vlastitih prihoda JU Institut za razvoj preduniverzitetskog obrazovanja Kantona Sarajevo.

##### **Član 2.**

Pravilnik o sticanju i raspodjeli vlastitih prihoda JU Institut za razvoj preduniverzitetskog obrazovanja Kantona Sarajevo je sastavni dio ove Odluke.

##### **Član 3.**

Odluka stupa na snagu danom donošenja.



**Predsjednik Upravnog odbora**

**Refik Šećibović**

#### **Dostavljeno:**

1. Uz Pravilnik o sticanju i raspodjeli vlastitih prihoda JU Institut za razvoj preduniverzitetskog obrazovanja Kantona Sarajevo;
2. a/a.

web: <http://www.irpo.ba>

e-mail: [info@irpo.ba](mailto:info@irpo.ba)

Tel: (00 387 33) 778 600

Aleja Bosne Srebrene bb/IX, 71000 Sarajevo, Bosna i Hercegovina



M  
13804  
PB-25

Divo

Broj: 02-2-04-8938 / 23

Datum; 28-12-2023 2023 god.

Broj: 02-04-52343-6.7/23  
Sarajevo, 15.12.2023. godine

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćen tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine ("Službene novine Federacije BiH", broj: 104/22) Vlada Kantona Sarajevo, na **Šestoj vanrednoj** sjednici održanoj **15.12.2023.** godine, donijela je

KURIR  
2452

## ODLUKU

### O DAVANJU SAGLASNOSTI NA PRAVILNIK O STICANJU I RASPODJELI VLASTITIH PRIHODA JAVNE USTANOVE INSTITUT ZA RAZVOJ PREDUNIVERZITETSKOG OBRAZOVANJA KANTONA SARAJEVO

#### I

Daje se saglasnost na Pravilnik o sticanju i raspodjeli vlastitih prihoda Javne ustanove Institut za razvoj preduniverzitetskog obrazovanja Kantona Sarajevo, broj: 01-1-02-7081/23 od 09.10.2023. godine.

#### II

Ova odluka stupa na snagu danom donošenja i objavit će se u "Službenim novinama Kantona Sarajevo".



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
6. Javna ustanova Institut za razvoj preduniverzitetskog obrazovanja Kantona Sarajevo (putem Ministarstva za odgoj i obrazovanje Kantona Sarajevo),
7. Za objavu u "Službenim novinama Kantona Sarajevo",
8. Evidencija,
9. Arhiva.